

亦名耆闍崛山所以然者諸佛神力咸使此山在比丘當以方便知劫有衰盡不可稱計然劫有二種大劫小劫若於劫中無佛出世亦時復有辟支佛出世此名為小劫若如來於劫中出世亦時彼劫中無有辟支佛出現於世此名為大劫比丘當以此方便知劫數長遠不可稱計是故比丘當憶此劫數之義亦時異比丘聞佛所說歡喜奉行

增壹阿含經卷第四十七

松七

甄音真王音去四音去輻音福七音下句音下輞音周稟音悲  
跼音直里音薄佩音妹紺音古睛音郎楞音登辟音必亦音亦態音他代

增壹阿含經卷第四十八

松八

符秦建元二年藏曇摩難提譯

非常品第五十一

聞如是一時佛在舍衛國祇樹給孤獨園亦時世尊告諸比丘云何比丘汝等流轉生死經歷苦惱於中悲號涕泣淚出為多耶為恒

益六

水多乎亦時諸比丘前白佛言我等觀察如來所說義經歷生死涕泣之淚多於恒水佛告比丘善哉善哉諸比丘如汝所說無有異汝等在生死淚多於恒水所以然者於生死中亦更父母終亡於中墮淚不可稱計長夜之中父兄弟姊妹妻子五親及諸恩愛追慕悲泣不可稱計是故比丘當厭患生死去離此法如是比丘當作是學當說此法時六十餘比丘漏盡意解亦時諸比丘聞佛所說歡喜奉行

聞如是一時佛在舍衛國祇樹給孤獨園亦時世尊告諸比丘云何比丘汝等在生死中身體毀壞流血多耶為恒水多乎亦時諸比丘白佛言如我等觀察如來所說者流血多於恒水佛告諸比丘善哉善哉比丘如汝所言流血多於恒水所以然者在生死中或作牛羊猪犬鹿馬鳥獸及餘無數所經歷苦惱實可厭患當念捨離如是比丘當作是學說

是法時六十餘比丘漏盡意解。爾時諸比丘聞佛所說歡喜奉行。

聞如是一時佛在舍衛國祇樹給孤獨園。爾時世尊告諸比丘：當思惟無常、想廣布、無常、想已、思惟無常、想廣布、無常、想盡、斷欲、愛色、愛無色、愛無明、憍慢、瞋、惡、除盡、猶如以火焚

燒草木，求盡無餘。比丘當知：若思惟無常、想廣布、無常、想盡、斷三界愛著，昔有國王名曰清淨音響，統領閻浮地，有八萬四千城郭，有八萬四千大臣，有八萬四千宮人，姪女一一妓女各有四侍人。爾時音響聖王無有子息，時彼大王便作是念：吾今領此國界，以法治

化，無有枉理。然我今日亦無繼嗣，設我終後，門族斷滅，時彼國王以息因緣，故自歸諸天龍神、日月星辰，自歸釋梵四天王、山神、樹神、下及藥草、菓神，願求福使。我生息。爾時三十天有一天子，名曰須菩提，命將欲終，有五瑞應自然，遍已云：何為五？又此諸天華冠終

松八

二

不萎。此天子華冠自萎，是時諸天衣無垢，垢。爾時此天子衣生垢，垢。又且三十天身體香潔光明，徹照。爾時彼天子身體臭處不可親近。又且三十天恒有玉女前後圍遶，作倡妓樂。五欲自恣。爾時彼天子命將欲終，五女離散。又且三十天有自然之座，四尺入

地，設天子起座，離地四尺。然此天子命將欲終，不樂本座，是謂五瑞應自然，遍已。時須菩提天子以有此瑞應，爾時釋提桓因告一天子曰：汝今往至閻浮地，語音響王曰：釋提桓因致問，無量興居，輕利遊步，康強閻浮地，無有德之人，與王作息。但今三十天有天子名曰須菩提，今有五瑞應自然，遍已。必當降神與王作息。雖尔年在盛時，必當出家學道，修無上梵行。彼天對曰：如是。天王受天王教，猶如力士屈伸臂，頃從三十天沒來，至閻浮地。爾時音響大王在高樓上，及持蓋一人。是時彼天在樓上虛空中，而告王曰：釋提桓

因致敬無量遊步康強興居輕利閻浮地無有德人與王作息今三十三天有天子名須菩提今有五瑞應已逼於已當降神下應與王作息但年在盛時必當出家學道修無上梵行時音響王聞此語已歡喜踊躍不能自勝即報天曰今來所告甚過大幸但降神與

松八

三

我作息欲求出家終不違逆是時彼天還至釋提桓因所即白天王音響王者甚慶所白音響王言但使降神欲出家者終不違逆時釋提桓因便往至須菩提天子所語須菩提天子言汝今發誓願生音響人王宮中所以然者音響人王無有子息恒以正法治化汝昔有福造眾功德今應降神生彼宮中須菩提天子曰止止天王我不樂願生人王宮中意欲出家學道在王宮者學道甚難釋提桓因告曰汝但發願生彼王宮中我當將護令汝出家學道比丘當知尔時須菩提天子即發誓願生王宮中是時音響人王與第一夫

人共相交接覺身懷妊是時夫人白音響王曰大王當知我今覺身懷妊時王聞已踊躍歡喜不能自勝更以殊特布好坐具食以甘美味如王無異是時夫人經八九月生一男兒極為端正顏貌奇特世之希有時音響王召諸外道梵志羣臣使令占相以此因緣本末具向諸相師說諸婆羅門報曰唯願大王當察此理今生太子世之殊特昔為天子名須菩提今尋前号各須菩提時諸相師立姓号已各從座起而去時王子須菩提為王所敬重未曾離目前是時音響王便作是念我昔日已來無有子息緣子息故禱謝諸天使生一子經歷尔許時今方生子然天帝所記當出家學道我今要設巧便使不出家學道是時音響王為太子故設三時宮殿寒時設温殿熱時設涼殿不寒不熱時設適時宮殿與設四種宮女居處第一宮有六萬婁女第二宮有六萬婁女第三宮有六萬婁女第四

官有六萬嫫女各有侍從四人作轉關坐具  
 令彼太子於上而坐卧若須菩提王子意欲  
 在前遊戲是時諸嫫女輒在前立是時彼坐  
 具隨身迴轉前有六萬嫫女及侍者有四若  
 彼意欲在後遊戲是時坐牀輒隨身迴轉若  
 復欲與諸嫫女共相娛樂是時坐具隨身迴

松八

四

轉使王子須菩提意在五欲不樂出家是時  
 釋提桓因夜半非人之時便往至王子須菩  
 提所在虛空中告須菩提王子曰王子昔日  
 豈不作是念乎若我在家年在盛時當出家  
 學道今日何故在五欲中而自娛樂意不復  
 願出家學道乎然我亦有斯言勸樂王子使

出家學道今正是時設不出家學道者後悔  
 無益釋提桓因說斯語已便退而去

時王子須菩提在宮人中便生此念音響王  
 者已與我作愛欲羅網緣此愛欲羅網故不  
 得出家學道我今可斷此羅網不與穢濁所  
 拘牽以信堅固出家學道在空靜之處勤經

學業使今日新是時王子須菩提重作是念  
 音響父王有此數萬嫫女前後圍遶我今當  
 觀察頗有斯理在出永存乎尔時王子須菩  
 提遍觀宮裏無有女人久存世者是時須菩  
 提復作是念我今何故觀於外物當觀身內  
 因緣所起今此身中頗有髮毛爪齒骨髓之

屬久存於世乎從頭至足觀三十六物惡露  
 不淨然自觀察無一可貪亦無真實幻偽非  
 真皆歸於空不久存世是時王子須菩提復  
 作是念我今當斷此羅網出家學道是時須  
 菩提觀此五受陰身所謂此色苦此色集此  
 色滅此色出要痛想行識苦識集識滅識出

松八

五

要尔時觀此五陰身已所謂集法皆是盡法  
 即於座上得辟支佛時須菩提辟支佛已覺  
 成佛便說斯偈

欲我知汝本 意以思想生 我不思想汝  
 則汝而不有

是時辟支佛說此偈已飛在虛空而去在一

山中獨在樹下於無餘涅槃界而般涅槃。爾時音響王告傍臣曰：汝往觀須菩提宮內，王子爲寤寐，爲安隱乎？爾時大臣受王教令，即往至王子宮內，然所寢內室門戶牢固。時彼大臣還至王所前，白王言：王子寤寐安隱，門戶牢固。時王再三問汝：往看王子爲善眠乎？爾時彼臣復至宮門，然門戶牢固，復往白王。王子在室眠寐，不覺門戶牢固，至今不開。時音響王復作是念：我息王子少時猶不眠寐，何況今日年在盛時有眠寐乎？宜自往看。知子吉凶，我子將不得疾病耶？是時音響王子往至須菩提宮內，至門外立告一人曰：汝今施梯踰墻入內，與吾開門。彼人受王教勅，即施梯踰墻入內，與王開門。時王入內觀內宮中所卧牀空，不見王子。見已告姝女曰：王子須菩提今爲所在？諸姝女曰：我等亦不知王子所在。時音響王聞斯語，已自投于地，良久乃蘇。

是時音響王告羣臣曰：我息小時猶生斯念，設我長大當剃除鬚髮，著三法衣，以信堅固出家學道。然今王子必當捨我出家學道。汝等各各四面求索，王子竟爲所在？即時羣臣乘駕流馳，處處求索。爾時有臣徑至彼山中道，復作是念：若王子須菩提出家學道者，必當在此學道。爾時大臣遙見王子須菩提在一樹下結跏趺坐，時臣便生斯念：此是王子須菩提，熟視察之，還詣王所前。白王言：王子須菩提近在山中樹下結跏趺坐，時音響王聞斯語，已即往詣彼山中，遙見須菩提在山樹下結跏趺坐，復自投于地。我自昔日自誓願曰：設我年向二十，當出家學道。今將不誤，又且天告我言：汝子必當學道。時音響王直前語須菩提曰：汝今何故捨我出家學道？時辟支佛默然不對。王復告曰：汝母極懷愁憂，須見汝乃食。時起詣宮時，辟支佛不言，不語默然而住。

松八

六

時音響王即前捉手亦不動搖王復告羣臣曰王子今日已取命終釋提桓因先來告我汝應得息但當出家學道然今王子已出家學道今舉此舍利詣王國界當蛇旬之彼時山中諸神祇現半身白王曰此是辟支佛非是王子蛇旬舍利法不如王子法所以然者我是過云諸佛弟子諸佛亦有此教世有四人應與起偷婆云何爲四如來至真等正覺應起偷婆辟支佛應起偷婆如來弟子漏盡阿羅漢應起偷婆轉輪聖王應起偷婆當蛇旬轉輪聖王身時蛇旬如來辟支佛身亦復如是尔時音響王復語天曰當云何供養蛇旬轉輪聖王身樹神報曰轉輪聖王與作鐵槲盛滿香油沐浴轉輪聖王身以白淨劫波育衣纏裹其身復以絲畫之衣而覆其上舉著槲中復以鐵蓋而蓋其上處處施釘復以百張白氎而裹其槲以種種雜香積在干地以鐵槲安著其中七日七夜之中華香供養

松八

七

懸繒幡蓋作倡妓樂過七日後取王子身而蛇旬之已取舍利復經七日七夜供養不絕於四衢道中而起偷婆復以香華幡蓋種種供養大王當知供養轉輪聖王舍利其事如是諸佛如來辟支佛阿羅漢亦復如是時音響王語彼天曰以何因緣供養轉輪聖王身以何因緣供養如來辟支佛阿羅漢身天報王曰轉輪聖王以法王治自不殺生復教他人使不行殺自不與取復教他人使不竊盜已不婬泆復教他人不犯他妻已不妄言綺語惡口兩舌鬪亂彼此嫉妬恚癡已意專正恒行正見亦使他人習其正見是謂大王由此因緣轉輪聖王應起偷婆王問天曰復以何因緣漏盡阿羅漢應起偷婆天報王曰漏盡阿羅漢比丘欲愛已盡瞋恚愚癡已除已度有至無是世間良祐福田由此因緣漏盡阿羅漢應起偷婆王復問曰以何因緣辟支佛應起偷婆天報王曰辟支佛者無師自覺

出世甚難得現法報脫於惡趣令人生天上  
由此因緣辟支佛應起偷婆王復問曰以何  
因緣如來應起偷婆天報王曰如來十力具  
足此十力者非聲聞辟支佛所能及逮非轉  
輪聖王非世間羣萌所能及逮也如來四無  
所畏在大眾中能師子吼轉於梵輪如來不  
度者度不脫者脫不般涅槃者令般涅槃無  
救護者與作覆蔭盲者作眼目與諸疾病作  
大醫王天及世人魔若魔天靡不宗奉可敬  
可貴迴於惡趣令至善處是謂大王由此因  
緣如來應起偷婆是謂大王由此因緣本末  
四種之人應起偷婆八爾時音響王語彼天曰  
善哉善哉神天我今受汝教令供養此舍利  
當如供養辟支佛

松八

八

身復以雜綵好衣而覆其上安處鐵槲中復  
以鐵蓋而蓋其上處處安釘極令牢固以百  
張白氎而覆其上取種種好香以辟支佛身  
而著其中七日七夜香華供養過七日後蛇  
旬辟支佛舍利復供養七日作倡妓樂於四  
衢道頭起一偷婆復以香華繒綵幡蓋作倡  
妓樂而供養之比丘當知其有眾生恭敬供  
養辟支佛舍利者命終之後即生三十三天  
上其有眾生思惟無常之想迴三惡趣生天  
人中諸比丘汝等莫作斯觀八爾時音響王者  
豈異人乎八爾時音響王者則我身是其思惟  
無常想者多所饒益我今觀此義已告諸比  
丘當思惟無常想廣布無常想已思惟無常  
想廣布無常想使欲愛色愛無色愛盡盡斷  
無明憍慢永無遺餘猶如以火焚燒草木高  
好講堂窓牖門闕永盡無餘比丘思惟無常  
想亦復如是盡斷欲愛色愛無色愛永無遺  
餘是故比丘當建心意無令違失當說斯法

時於彼坐上六十餘比丘漏盡意解尔時諸比丘聞佛所說歡喜奉行

聞如是一時佛在舍衛國祇樹給孤獨園尔時世尊告諸比丘若比丘比丘尼心五弊不除心五結不斷彼比丘比丘尼於日夜中善法損減而無增益云何比丘心五弊不除於

松六

九

是比丘有狐疑心於如來所亦不解脫亦不入其正法彼人心不在諷誦是謂比丘心弊不除復次比丘有疑心於正法亦不解脫亦不入其正法彼人心不諷誦是謂比丘心弊不除復次比丘有疑心於聖眾亦不解脫亦不施意向和合眾亦復不在道品法中是謂

比丘心弊不除復次比丘犯於禁戒不自悔過彼比丘已犯禁戒不自改悔亦不施心在道品中是比丘心弊不除復次比丘心意不定而修梵行我以此梵行之德生於天上若諸神祇然彼比丘以此心行修於梵行心不專在道品之中心已不在道品之中是謂比

丘心弊不除如是比丘心五弊不除云何比丘心五結不斷於是比丘懈怠不求方便彼比丘已有懈怠不求方便是謂比丘心結不斷復次比丘恒喜多志貪在眠寐彼比丘已喜多志貪在眠寐是謂比丘心結不斷復次比丘心意不定恒喜多亂彼比丘心已亂不定是謂比丘心結不斷復次比丘根門不定彼比丘已根門不定是謂比丘心結不斷復次比丘恒喜在鬧不在靜處是謂比丘心結不斷若比丘比丘尼有此五心弊不除五心結不斷彼比丘比丘尼晝夜之中善法斷絕無有增益猶如雞子若八若十若十二不隨時覆陰不隨時育養不隨時將護彼雞雖生此念使我雞子得全無他然此雞子終不安隱所以然者皆由不隨時將護之所致後復斷壞不成其子此亦如是若比丘比丘尼五心結不斷五心弊不除晝夜之中於善法減無有增益若復比丘比丘尼五心結斷五心

弊除晝夜之中善法增益無有損減猶如雞子若八若十若十二隨時將護隨時育養隨時蔭覆彼雞雖生斯念使我雞子令不成就然彼雞子自然成就安隱無為所以然者隨時長養令得無為時諸雞子尋得出外此亦如是若比丘比丘尼五心弊斷五心結除彼

松八

十

比丘比丘尼於長夜之中善法長益無有損減是故比丘若比丘尼當施設心無有猶豫狐疑於佛猶豫狐疑於法猶豫狐疑於眾具足戒律心意專正無有錯亂亦不興意希望餘法亦不僥倖修行梵行我當以此行法作天人身神妙尊豪若復有比丘比丘尼無有

狐疑猶豫於佛法聖眾亦不犯戒無所漏失我今告汝重囑累汝彼比丘當趣二處若生天上若在人中猶如人處極熱之中兼復飢渴遇得陰涼之處得冷泉水飲彼人雖生斯念我雖遇陰涼冷水飲之猶不斷飢渴但彼人暑熱已盡飢渴已除此亦如是若比丘比

丘尼無狐疑猶豫於如來所著彼比丘便趣二處若生天上若處人中若比丘比丘尼當求方便除心五弊斷心五結如是諸比丘當作是學尔時諸比丘聞佛所說歡喜奉行聞如是一時佛在舍衛國祇樹給孤獨園尔時世尊告諸比丘或有是時王威不普盜賊

競興賊已競興村落城郭人民之類皆悉敗亡或遭遇飢饉取命終者設彼眾生於飢饉取命終皆墮三惡趣今此精進比丘亦復如是若持戒減少尔時惡比丘已競起正法漸衰增益非法非法已增益其中眾生皆墮三惡趣若復是時王威遠接賊便隱藏王已遠

松八

十一

接城郭村落人民熾盛今此精進比丘亦復如是若持戒完具尔時犯戒比丘漸漸衰耗正法興隆非法衰耗其中眾生命終之後皆生天上人中是故比丘當念具足戒律威儀禮節無令缺減如是比丘當作是學尔時諸比丘聞佛所說歡喜奉行

聞如是一時佛在舍衛國祇樹給孤獨園。爾時世尊告諸比丘：寧常眠寐不於覺寤之中，思惟亂想，身壞命終，生於惡趣；寧以火燒鐵錐而烙于眼，不以視色興起亂想；興想比丘，為識所敗，比丘以為識所敗，必當趣三惡道。地獄畜生、餓鬼，今我所以說者，何彼人寧常眠睡不於覺寤之中，思惟亂想，寧以利錐刺壞其耳，不以聽聲興起亂想；興想比丘，為識所敗，寧恒睡眠不於覺寤起於亂想，寧以熱鉗壞其鼻根，不以聞香興起亂想；興想比丘，為識所敗，以為識所敗，便墮三惡趣。地獄畜生、餓鬼，我所說者，正謂此耳。寧以利劔截斷其舌，不以惡言麁語墮三惡趣。地獄畜生、餓鬼，寧常睡眠不於覺寤，興起亂想，寧以熱銅鑊纏裹其身，不共長者居士、婆羅門女共相交接，設與交接，言語往返者，必墮三惡趣。地獄畜生、餓鬼，我所說者，正謂此耳。寧恒睡眠，不以覺寤意有所念，欲壞聖眾，以壞聖眾墮

五逆罪，億千姦佛，終不療救。夫闢亂眾者，必當墮不救之罪。是故我今說：寧常睡眠不於覺寤，意有所念，欲壞聖眾，受無救之罪。是故比丘當將護六情，無令漏失。如是比丘當作是學。爾時諸比丘聞佛所說歡喜奉行。

聞如是一時佛在舍衛國祇樹給孤獨園。爾時阿那邠祁長者有四兒，不事佛法。聖眾亦復不自歸命佛法。聖眾是時阿那邠祁長者告四兒曰：汝等各各自歸佛法。聖眾長夜之中，獲福無量。諸兒白父：我等諸子不堪自歸佛法。聖眾阿那邠祁長者告曰：我今各賜卿等純金千兩，隨我教勅，自歸命佛法。聖眾諸

松八

十二

子白言：我等不堪任自歸佛法。聖眾父復告曰：加賜汝二千三千四千五千兩純金，宜當自歸佛法。聖眾長夜之中，獲福無量。爾時諸子聞斯語，已默然受之。是時諸子白阿那邠祁長者曰：我等當云何自歸佛法。聖眾阿那邠祁長者報曰：汝等盡來隨吾至世尊所，若

世尊有所說者汝等當念奉行諸子白父如來今為所在去此遠近其父報曰今如來至真等正覺近在舍衛國止吾園中時阿那邠祁將四兒往至世尊所到已頭面禮足在一面立尔時長者白世尊言我今四子不自歸佛法聖眾近昨各賜五千兩金勸令事佛法聖眾唯願世尊各與說法使長夜之中受福無量

尔時世尊與長者四子漸漸說法勸令歡喜長者諸子聞佛說法踊躍歡喜不能自勝前自長跪白世尊言我等各自歸世尊正法聖眾自今已後不復殺生如是再三時阿那邠祁長者白世尊言若使有人出物顧人使事佛者其福云何世尊告曰善哉善哉長者乃致斯問天人得安乃能問如來斯義善思念之吾當為汝說時長者從佛受教世尊告曰有四大藏云何為四有伊羅鉢龍在乾陀衛國此名一藏無數珍寶積滿其宮復有班

松八

十三

稠大藏在蜜絺羅國珍寶積聚不可稱計復有賓伽羅大藏在須賴吒國珍寶積聚不可稱計復有儂佉大藏在波羅捺國珍寶積聚不可稱計設閻浮地男女大小各各擔抱四藏四年四月四日各來取者不知減少賓伽羅藏四年四月四日各各取者不知減少儂佉大藏在波羅捺國四年四月四日取者不知減少是謂長者四大寶藏若閻浮提地男女大小各各擔抱經四年四月四日不知減少將來之世有佛名弥勒出現於世尔時國界名雞頭王所治處東西十二由延南北七由延人民熾盛穀米豐登雞頭王治處遶城七由有四池水各縱廣一由延金沙在下優鉢蓮華拘勿頭華分陀利華各生其中水像金色銀色水精色琉璃色設銀色水凍化成為銀若金色水凍化成為金若琉璃水凍化為瑠璃若水精水凍化為水精長者當知尔

時有四城門銀池水中金作門闕金池水中  
 銀作門闕瑠璃池中水精作門闕水精池中  
 瑠璃作門闕長者當知尔時雞頭城中周帀  
 懸鈴是時鈴聲皆出五樂之音尔時城中恒  
 有七種之聲云何為七螺聲鼓聲琴聲小鼓  
 聲圓鼓聲鞞鼓聲歌舞聲為七尔時雞頭城  
 中生自然粳米皆長三寸極為香美出眾味  
 上尋取尋生皆不見所取之處尔時有王名  
 僂佉以法治化七寶具足長者當知尔時典  
 藏人名為善寶高德智慧天眼第一皆能知  
 寶藏處所有主之藏自然擁護無主之藏便  
 奉上王尔時伊羅鉢龍王般稠龍王賓伽羅  
 龍王僂佉龍王是時四龍王主典寶藏皆往  
 至善寶典藏所而語之曰欲所須者我等相  
 給時四龍王唯願奉上四藏之寶以自營已  
 時善寶典主即取四藏之寶奉上僂佉王金  
 葆羽車尔時世尊便說斯偈

伊羅在乾陀

般稠在蜜締

賓伽須賴國

松八

七

僂佉婆羅國 此是四寶藏 種種藏充滿  
 尔時當出現 功德之所致 奉上彼聖王  
 金銀葆羽車 諸神皆擁護 長者受其福  
 尔時有佛出世名為弥勒至真等正覺明行  
 成為善逝世間解無上士道法御天人師号  
 佛眾祐教化人民長者當知尔時善寶典藏  
 者豈異人乎莫作是觀所以然者時藏主者  
 今長者身是也時僂佉王以金銀廣作福德  
 將入萬四千大臣前後圍遶往至弥勒所出  
 家學道尔時典藏亦復廣作福德亦當出家  
 學道盡於苦際皆由長者將導四子使自歸  
 於佛法比丘僧緣是功德不墮三惡趣復緣  
 此德得四大藏亦緣此報與僂佉作典藏主  
 即於彼世盡於苦際所以然者歸佛法僧其  
 德不可量其有自歸佛法眾者其福如是是  
 故長者當慈愍有形之類求其方便向佛法  
 眾如是長者當作是學尔時阿那邠那長者  
 歡喜踴躍不能自勝即從座起遶佛三帀禮

足而去及其四子亦復如是尔時阿那那那長者及四子聞佛所說歡喜奉行

聞如是一時佛在舍衛國祇樹給孤獨園尔時阿那那那長者身抱重患時舍利弗以天眼觀清淨無瑕穢見阿那那那長者身抱重患尋告阿難曰汝來共至阿那那那長者所

松八

十五

問訊時阿難報曰宜知是時尔時阿難到時著衣持鉢入舍衛城乞食以次漸漸至阿那那那長者家即便就坐時舍利弗即於座上語阿那那那長者曰汝今所疾有增有損乎覺知苦痛漸漸除不不至增劇耶長者報曰我今所患極為少賴覺增不覺減舍利弗報

曰如今長者當憶佛是謂如來至真等正覺明行成爲善逝世間解無上士道法御天人師号佛衆祐亦當追憶念法如來法者極爲甚深可尊可貴無與等者賢聖之所修行亦當念僧如來僧者上下和順無有諍訟法法成就聖衆者戒成就三昧成就智慧成就解

脫成就解脫見慧成就所謂僧者四雙八輩此名如來聖衆可尊可貴是世間無上福田長者若修行念佛念法念比丘僧者其德不可稱計獲甘露味滅盡之處若善男子善女人念三尊已佛法聖衆入三惡趣者終無此事若彼善男子善女人修念三尊必至善處

天上人中然後長者不起於色亦不依色而起於識不起於聲不依聲而起於識不起於香不依香而起於識不起於味不依味而起於識不起於細滑不依細滑而起於識不起於依意而起於識不起於今世後世不依今世後世而起於識不起於愛莫依愛而起於識所以然者緣愛有受緣受有有緣有有生緣生有死愁憂苦惱不可稱計是謂有此五苦盛陰無有我人壽命士夫萌兆有形之類若眼起時則起亦不知來處若眼滅時則滅亦不知去處無有而眼生已有而眼滅皆由合會諸法因緣所謂因緣法者緣是有是無是則

無所謂無明緣行行緣識識緣名色名色緣  
六入六入緣更樂更樂緣痛痛緣愛愛緣受  
受緣有有緣生生緣死死緣愁憂苦樂不可  
稱計耳鼻舌身意亦復如是無有而生以有  
而滅亦復不知來處亦不知去處皆由合會  
諸法因緣是謂長者名為空行第一之法也

松八

十六

是時阿那那那長者悲泣涕零不能自止時  
舍利弗語阿那那那曰以何因緣悲感乃尔  
乎長者報曰我不悲感所以然者我昔日來  
數承事佛亦復尊敬諸長老比丘亦不聞如  
斯尊重之法如舍利弗之所演說是時阿難  
語阿那那那曰長者當知世間有二種之人

如來之所說云何為二一者知樂二者知苦  
彼習樂之人所謂尊者耶輸提族姓子是彼  
習苦之人婆伽黎比丘是又復長者耶輸提  
比丘空行第一信解脫者婆伽黎比丘又復  
長者知苦之人知樂之人二人心俱解脫二  
俱如來弟子無與等者由其不沒不生二人

勤受佛教亦無懈廢但心有增減故人有知  
者有不知者如長者之所說我昔已來承事  
諸佛恭敬長老比丘初不聞如斯尊重之法  
如舍利弗之所說耶輸提比丘觀視於地而  
心得解脫婆伽黎比丘觀視於刀即時心得  
解脫是故長者當作如婆伽黎比丘之比是

時舍利弗廣與說法勸令歡喜使發無上之  
心即從座起而去舍利弗阿難去未久須臾  
之頃阿那那那長者命終便生三十三天尔  
時阿那那那天子有五事功德勝彼諸天云  
何為五所謂天壽天色天樂天威神天光明  
尔時阿那那那天子便作是念我今獲此天

松八

十七

身皆由如來之恩今我不宜於五欲自娛樂  
先應至世尊所拜跪問訊時阿那那那天子  
將諸天人前後圍遶持諸天華散如來身上  
時如來在舍衛祇樹給孤獨園時彼天子在  
虛空中叉手向世尊便說斯偈  
此是祇桓界 仙人眾娛戲 法王所治處

當發歡悅心

尔時阿那邠祁天子說斯偈已如來默然可  
之時彼天子即生此念如來已然可我即捨  
神足在一面立時阿那邠祁天子白世尊言  
我是須達又名阿那邠祁人所明了亦是如  
來弟子受聖尊教今取命終生三十三天世  
尊告曰汝由何恩今獲此天身天子白佛蒙  
世尊之力得受天身時阿那邠祁天子復以  
天華散如來身上亦散阿難及舍利弗身上  
遍遶祇桓七帀還沒不現是時世尊告阿難  
曰昨夜有天來至我所而說此偈  
此是祇桓界 仙人眾娛戲 法王所治處

當發歡喜心

是時彼天子遶祇桓七帀便退而去汝今阿  
難汝頗識彼天子乎阿難白佛言必當是阿  
那邠祁長者也佛告阿難如汝所言善哉乃  
能以未知智而識彼天子所以然者彼是阿  
那邠祁天子阿難白佛言阿那邠祁今生天

上為名何等世尊告曰即名阿那邠祁所以  
然者彼天即生之日諸天各各有此言此天  
子在人中時是如來弟子恒等心普施一切  
周窮濟乏作此功德已此是三十三天今故  
續名阿那邠祁尔時世尊告諸比丘阿難比  
丘有大功德智慧成就阿難比丘今在學地  
智慧無與等者所以然者阿羅漢所應知者  
阿難便知之過去諸佛世尊所應學者阿難  
皆明了知過去時亦有斯人聞便了知如我  
今日阿難比丘瞻望方知之如來須是如來  
不須是過去諸佛弟子入三昧方知未然之  
事如我今日阿難比丘觀便曉了尔時世尊  
告諸比丘我聲聞中博有所知有勇猛精進  
念不錯乱多聞第一堪任執事所謂阿難比  
丘是尔時諸比丘聞佛所說歡喜奉行  
聞如是一時佛在舍衛國祇樹給孤獨園尔  
時阿那邠祁長者有兒婦名曰善生顏貌端  
正面如桃華色王波斯匿大臣之女憑其姓

松八

十八

望依其豪族亦不恭敬姑嫜及其夫婿亦不事佛法及比丘僧亦不敬奉三尊是時阿那邠祁長者便往至世尊所頭面禮足在一面坐。坐時長者白世尊言近與兒取婦是波斯匿王第一大臣之女自恃其姓望不承事三尊長老尊卑唯願世尊當與說法使發歡喜心開意解。坐時如來默然許可。長者所說時長者復白佛言唯願世尊當受我請及比丘僧。坐時長者已見如來默然受請即從座起禮佛三帀而去。還至家中辦具種種飲食敷好坐具。尋白時至唯願世尊當受我請飲食。已具。坐時世尊將比丘眾前後圍遶至長者家就座而坐。坐時長者更取小座在如來前坐。坐時世尊告善生女人曰長者女當知夫爲婦人有四事云何爲四。有婦如似母有婦似親親有婦似賊有婦似婢。汝今當知婦似母者隨時瞻視夫主不令有乏承事供養。坐時諸天便復將護若人非人不得其便死便

松八

十九

生天是謂長者女。此名婦人似母者也。彼云何有婦似親親者。於是長者婦見夫已無有增減之心。同其苦樂。是謂其人似親親者也。彼云何名爲婦如似賊。於是女人若見夫已便懷瞋恚憎嫉。夫主亦不承事恭敬禮拜見輒欲害心。在他所夫不親婦。婦不親夫。不爲人所愛敬。諸天不擁護。惡鬼侵害。身壞命終入地獄中。是謂斯人如似賊也。彼云何名爲婦人如似婢。於是賢良之婦見夫主隨時瞻視。忍其言語。終不還報。忍其寒苦。恒有慈心於三尊所。亦生斯念。此存我在此。裏我耗以此之事。諸天擁護。若人非人皆悉愛念。身壞命終生善處。天上是謂長者女有此四婦。汝今爲在何條時。彼女人聞世尊說此語已。前禮佛足。白世尊言唯願世尊我今改往修來。更不敢爲自今已後當行禮法如似婢也。是時善生女人還至夫所頭面禮足。唯願瞻視。當如婢也。是時善生女人復至世尊所頭面禮

足在一面坐尔時世尊漸與說法所謂論者  
 施論戒論生天之論欲為不淨想姪為大穢  
 是時世尊以知女人心開意解諸佛世尊常  
 所說法苦集盡道尔時世尊盡與女人說之  
 即於座上得法眼淨猶如新衣易染為色此  
 亦如是分別諸法善解深妙之義自歸三尊  
 而受五戒尔時善生女人聞佛所說歡喜奉行  
 聞如是一時佛在舍衛國祇樹給孤獨園尔  
 時尊者舍利弗便往至世尊所頭面禮足在  
 一面坐須臾退坐白世尊言世尊恒稱譽豪  
 尊高位不說卑賤然我世尊不嘆豪華不說  
 卑賤處中而說使得出家學道佛告舍利弗  
 汝自稱言不嘆豪華不說卑賤處中而說得  
 出家學道然我今日亦不說上中下及受生  
 分所以然者夫生甚苦不足願樂如彼糞除  
 少尚極臭何況積多今受生分亦復如是一  
 生二生猶尚苦難何況流轉終始而可甘處  
 由有有生有老有病由病有死愁憂苦惱何

二十末

可貪樂便成五盛陰身吾今觀此義已而作  
 是說一生二生猶尚苦難何況流轉終始而  
 可甘處若當舍利弗意欲生者便當發願生  
 豪貴家不生卑賤所以然者舍利弗眾生長  
 夜為心所縛不為豪族所縛然我舍利弗處  
 豪貴家是利利種出轉輪聖王設我不出家  
 學道者應為轉輪聖王今捨轉輪聖王位出  
 家學道成無上道夫生卑賤家者不得出家  
 學道反墮惡趣是故舍利弗當求方便降伏  
 於心如舍利弗當作是學尔時舍利弗聞  
 佛所說歡喜奉行

增壹阿含經卷第四十八

松八

羨烏為 倡昌音 寤寐上音誤 寢七反 不覺下音  
 教梯踰上湯方反 昇音余 擲音郭 白氈下音 逮音代  
 牖音閩 呼域 希望下音 僥倖上音 古堯反 飢饉  
 下渠 完具上音 錐音追 鉗音巨 廉音古 亥音古 邠邠  
 上布中反 班稠下音 琴音其 今 鞞音迷 劇音逆  
 下渠夷反 留反 琴反 今 鞞反 迷 劇反

涕零上音體 又